

437
4676



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司
No. 6230
No. 02280122号



Handwritten text in a vertical rectangular frame, possibly a title or classification, including characters like 子 and 卷.

161369





T

161369



181383







序

昔在伯也古事公之志也

學問之功也

不欺公之德

公宜勤為

把入志名宦

常其忠著公即其人

既從往於樹木守山

先之者以為勸

德三

公





序

公曆一九五五年 三月十日

吾族伯祖古華公非僅以能詩鳴也生平立身之剛介
學問事功之醇實屢見稱於名公巨卿出處大節較然
不欺公之為人可知矣詩特其緒餘耳詎足以傳公哉
公宦蜀為羅江令有德惠於士民去任而邑人繪像崇
祀入志名宦傳至今頌不絕口古稱所至無赫赫名去
常見思者公即其人歟又善書筆力雄秀奇橫莫可端
倪往往於綿水章山間磨崖作擘窠書以彰古賢勝蹟
見之者以為黃米復生無有能過者願力甚宏而仕途
偃蹇卒以保城工故流寓巴蜀又以其學教授生徒成
就者甚衆而壯心未已題詠遂多晚自號為鐵臂翁鐵

臂云者謂可肩鉅任而無難色也賚志不遂窮老以歸
為可歎矣公享年八十有九身後遺文率多散佚故其
鴻篇巨製無有存者余來滇得見其姪曾孫斛泉茂才
於五華院斛泉篤學好修心師公意於公詩頗有收羅
雖所筆者僅二百餘篇不過存什一於千百而猶幸不
至掃地無餘也因與斛泉彙為二冊一為蜀游草一為
歸田集付諸剞劂以質於世噫詩不足以盡公之蘊蓄
也即是編亦不足以盡公一生之所著撰也然其清介
之操循良之績去就出處之守禮安義亦可以彷彿其
崖略矣

時

道光七年歲次丁亥八月既望族孫振綱謹序





四川羅江縣志名宦楊公傳

附刊

楊周冕字冠卿號古華雲南趙州人乾隆丙辰舉人壬戌明通三十年任四川羅江令仁廉明察善言感導不事煩刑教各村修卡守望相助重修城隍廟及縣署建白馬關將臺領帑築城勞心擘畫又修建雙江書院及魁閣羅自順治庚子科余昌宗登榜後中者寥寥至是蟬聯登科者接踵焉尤工書法善集黃華書墨流傳甚多三十五年改州去任困留至四十七年壽八十二歲始攜童僕空囊而歸士民思之肖像於邑之寶華山祀焉

古華公吾族伯祖也先君子天曉公幼偕侍入川公

歸而先君子不能同歸遂家于蜀綱少聞先君子道
其遺事多不能記憶心甚悵惘嘉慶己卯春晤羅江
蔣君花農因得知古華公之宦於羅邑者遺愛猶在
人心後予官江右花農因抄邑乘所載事蹟寄示花
農真可謂有心人揚人善而不忘予託者而予少時
先君子所稱道古華公者亦若彷彿在耳焉謂非小
子之幸哉吁古華公以循良之吏能流德於羅邑使
民至繪像繫思久而不忘而不能善事長官致宦績
不顯窮老以歸亦可慨矣雖然以視巧宦取榮顯赫
一時既去而民不思者其賢不肖何如也甲申夏五
月既望族孫振綱謹跋

大京兆顧息存先生書鐵臂翁三字額說

附刊

楊古華先生政事文學久聞於蜀顧以肩荷頗重不獲

即歸鄉里

修城保固故也

因自命為鐵臂翁屬予書之予竊以

為不然先生窮經致用不屑屑為迂腐儒行年八十猶

復據鞍上馬顧盼自雄引其兩臂固宜如鐵而且立身

之剛介文筆之雄健書法之遒勁無不與三字之義合

區區肩荷非所云也因承命書之而為之說如此乾隆

四十五年歲在上章因敦修禊之辰華陽七十三老友

顧汝脩書於東關之蚌石書屋

道光七年歲次丁亥重陽前二日姪孫

周才繡裳謹錄

於鉢陶居



蜀游草

趙州楊周冕古華著

秋夜感懷

七古



族孫振綱蓉渚

姪曾孫霈雨人

全校刊

商風蕭瑟秋葉掃千枝萬枝生意槁啼鳥啞啞怯迎寒
 床頭蟋蟀吟聲小閨中獨坐塞上行一夜驚秋頭白早
 對酒當歌能幾何拚醉如泥天到卯停杯忽憶黔婁居
 此時此夜憂悄悄寒灰撥盡不成眠何如東第笙歌繞
 惟有明月不世情委折屋梁傾懷抱於此使得肝胆知
 焉用蘭足東西躡老杜興懷宋玉悲古今哀怨人多少
 雁唳西風恨更長數聲叫破霜天曉

初春郊行

古詩言集卷一
既已勞塵壘。安知景物新。恰當勘野日。便是賞花晨。隔岸桃枝嫩。沿堤柳色勻。胸中振觸甚。辜負四郊春。

題李石亭園林

五律

暫脫青衫濕。營營卽墓間。白雲歸故岫。紅日落前山。樹靜烏環戟。谿深鹿守關。徘徊難竟去。築室傍慈顏。溪山原有約。况與墓為鄰。買僻錢容我。尋幽境逼人。龍孫當戶曲。燕子壘巢新。還擬開三徑。於茲老此身。有雨宜分竹。當風合種蘭。栽花春事畢。得圃畝餘寬。遷鳥初投暖。新松不畏寒。此中臺榭主。身入畫圖看。山水久無賴。煩君作主翁。長橋烟樹裏。短笛夕陽中。遂發山公興。回乘列子風。時還念舊宰。一騎達詩筒。

吏。茲。六。百。日。到。此。兩。三。回。穿。樹。鶯。傳。路。登。堦。鶴。候。苔。我。
師。先。問。竹。君。友。更。添。梅。不。盡。流。連。意。臨。行。醉。滿。杯。

山行

最。愛。蜀。山。好。尤。宜。晴。夏。時。雲。堆。無。墨。畫。蟬。噪。有。聲。詩。馬。
踏。松。陰。散。人。行。竹。徑。遲。晚。來。翻。夕。照。碧。影。亂。參。差。

歷險

歷。險。山。迢。遞。羊。腸。一。綫。分。人。從。天。際。下。馬。傍。日。邊。行。亂。
石。豺。狼。踞。崩。崖。斧。鉞。成。崎。嶇。雲。不。憚。長。此。寄。浮。生。

秋夜獨坐

蕭。瑟。空。齋。裏。拳。拳。只。服。膺。人。如。投。宿。鳥。心。是。坐。禪。僧。皓。
月。裝。金。牖。明。河。耿。玉。繩。欲。眠。眠。不。得。直。待。日。東。昇。

堂柳

柳自何人植。堂開十丈饒。層陰張晏蓋。直幹挺陶腰。眼
覩催科拙。絲牽驛路遙。雖非松柏品。亦自灑清標。

賞菊

平生歡樂少。作吏憂愁多。秋滿東籬菊。賞同夏日荷。停
杯代菊語。問子猶風波。苟得其中味。臨風且放歌。

重陽馬上口占懷李司馬

澆雨頭先白。經秋菊自黃。雖當佳節到。仍是客途忙。送
酒人寥落。題糕字渺茫。此時憶司馬。應自醉重陽。

對鏡

不知老將至。忽忽鏡臺前。側身一回顧。汗流心茫然。白

髮無逃處多。置染鬚錢。

月夜登高

蜂衙嫌月窄。隨意上高臺。四面無遮蓋。清光捲地來。

子夜歌

五德

儂欲養畫眉。問郎郎索筆。含笑語侍兒。儂言郎未悉。

送朱明府還州

詩宦知名久。還州此暫停。春風不解意。只遣柳條青。

牡丹

舉世難安約。盡人貪做官。故將富貴色。開與衆人看。

春日綿州郊行

洛江一片水。雲天南嶺羣。峯起暮烟馬。上尋春須盡興。

古華言集卷一
不教明月笑空還

賞春

爛熳鶯花秉燭遊。古今人上富春樓。况兼過客如流水，不醉花前不肯休。

九日

無詩幾度負重陽。一上高峯遠望鄉。帽慣風情摩秃頂，糕題險字刻枯腸。登龍客去留名久，戲馬臺空續韻長。山吏折腰今倔强，兩年詩債一齊償。

九日看菊

東籬獨自占秋葩。只為金風妬別家。不是道人殷七七，那能開放鶴林花。

蕭蕭風雨幾枝黃。老圃秋容晚節香。不有白衣人送酒。
肯將冷眼待重陽。
一陶兩謝是吾徒。手把黃花酒在壺。為信杜陵重九句。
醉中仔細看茱萸。

十月菊

十月霜華耐晚開。隔時香色更佳哉。自知骨力能堅凍。
度過重陽一月來。

大鶴山題佛指樹

婆娑百尺晚雲垂。大鶴山前銀杏枝。劫火燒身能不死。
法如指掌少人知。

梅子

暗香疎影格清奇。結實如何味不宜。莫道望君能止渴。有人背地縵雙眉。

子蒞任羅江年餘矣。今秋望日眷屬始由滇至。署感

而賦此

一官遠涉到江濱。衙舍蕭疎半住人。為國雖忘兒女累。啣杯却念室家貧。遙經異地峯千嶺。却會今宵月滿輪。夜靜不妨閒話久。殷勤細問故園親。

氣候

紋流斜繞錦城東。氣候溫涼別異同。秋盡不教楓葉赤。冬初早放杜鵑紅。人遊暖雨晴雲處。士在看花作賦中。如此風光誰領取。柳榆江上白頭翁。

抵任之明年歲大熟

七律

衝道比於蜀道難。天時人事幸相安。年豐國喜無貧邑。
用縮家知有節官。江上折腰償五斗。山中裹腹足千餐。
不妨為酒稱眉壽。一任吾民醉飽看。

秋夜

寂。歷。空。堂。入。夜。幽。落。花。鋪。地。月。光。流。蟬。依。露。桂。吟。心。苦。
雁。度。霜。天。寫。意。愁。一。席。桃。笙。涼。欲。破。千。家。砧。杵。夢。驚。秋。
可。憐。刀。尺。空。閨。裏。欲。寄。征。衣。不。自。由。

過李石亭別業留贈

琴。臨。秀。水。靜。蒲。鞭。茂。績。聲。聞。咫。尺。天。輦。路。春。深。畝。五。馬。
萱。花。風。過。落。經。年。交。情。舊。寄。青。雲。上。別。業。新。開。錦。里。邊。

欲問此間何所事。逍遙應為拍洪肩。

贈趙明遠明經

雙江迢遞接仙源。一路溪光送鹿門。曲徑野橋烟外屋。殘籬疎樹水邊村。有時携稚看犁雨。無地傳經不化鯤。松柏更煩栽次第。高時給鶴見長孫。

送左尉張鳴皋北還

參商十載遠相尋。無限綢繆結願深。暑冷如秋應共笑。情濃於酒不堪斟。石城既別惟隨鶴。紋水何時再弄琴。一席離筵歌未罷。北來鴻雁動清音。

讀升菴先生垂柳篇

博學名儒老戍臣。依依垂柳韻還新。生憎大禮隨飄絮。

甘受羈囚委濁塵。遙繫鄉愁幾千里。每牽離恨在三春。
閨中欲寄朝陽怨。肯挂枝頭索解人。

看菊

雨剪禽枝塔有色。風縑菊戶破無痕。恰當花日頻邀月。
遇有人來即倒樽。艷不爭春心自傲。香因居晚品尤尊。
惜花早訂來年約。分付園丁蓄子孫。

秋夜賞菊得月

七百

庭前菊影橫窓堦。小者寸許大尺五。蕭疎淡遠畫不如。
微風拂枝枝欲舞。醒來瞥見喜欲狂。急起披衣立窓戶。
橫豎看之致有餘。捉筆為之作影譜。片雲裁黑貼青天。
須臾月過梧桐樹。

寄贈雲州山長楊喜亭

滇南南盡古雲州。文教雖開未大流。不信峯低雲弗住。須知松老鶴纔留。一聲木鐸千山曉。幾處參苓八斗收。充使憑將鱗六六。問君何以教搔舟。

盆蓮

一箇老瓦盆。隨意栽荷芰。如獲蟠泥中。跼天而躋地。豈不習鑿池。隔城水難致。得此以栽培。成功較易。屈指種藕時。去今月之二。不獨芰芰生。葉繁花亦備。既有可愛蓮。豈無茂叔至。還念一掬水。終非遠大器。縱之江湖間。應開花萬億。

大隨山瀑布

彭北翠微裏。大隨山半泉源源。通太乙。滾滾下晴川。觸
石雷聲隱。牽絲雪色鮮。蓄盈噴似雨。勢峭急於絃。吞吐
英雄氣。掀翻寂寞天。張英為作誌。瀑布至今傳。

夏日憶水目山

作惡暑炎。炎憑威何所忌。請君入甕中。知勇無所施。何
計出炎鄉。歸心清涼地。去此三千里。設身水目寺。萬木
吸長風。濤聲動天地。幽鳥上下鳴。檝回北山騎。洒洒心
目間。習習清飈至。一枕臥羲皇。何知身俗吏。

擬蘇堂為眉州蔡明府作

蘇氏文章。晴空鳥到人。齒頰便了了。節義常留天地間。
浩氣乘之入幽渺。出處大義合中庸。於其生也。豈草草。

天地生人必為山。雨櫛風梳眉淡掃。峨嵋天半見三蘇。
雄深粹白偉丈夫。元佑諸臣無其比。至今童豎亦能呼。
是時主者荆襄吏。政暇民和渾無事。二子彬彬頭角殊。
從吾游焉問奇字。終日居山不見山。山在虛無一線間。
蓄茲精氣百千載。擇其尤者啟鍵關。薄言擷之在吾子。
干雲直上良有以。

納溪三灘極瀾為明府石丹崖作

五古

月離畢滂沱懷山而襄谷奔流下大川。漂没人與畜造。
物豈不仁。缺陷留人續。往來人見之。去之恐不速。盪至
土人界。持竿競相逐。出此入彼鄉。官司免余毒。曲折趁
江波。繼梁三停蓄。瞥見國狗噬。又况果魚腹。悲哉水中

人。魂。魄。何。歸。宿。新。鬼。故。鬼。逢。莫。禁。天。陰。哭。以。此。厲。氣。充。
農。乃。不。登。穀。余。戚。丹。崖。君。見。之。心。慘。蹙。如。何。極。經。營。
茲。沉。淵。局。嚴。飭。救。生。舟。撈。拯。多。錢。粟。衾。布。束。形。骸。瘞。之。
山。之。麓。男。女。別。窀。穸。春。秋。脩。奠。祝。掩。至。九。百。餘。生。死。而。
肉。骨。猶。虞。後。不。繼。此。心。常。鬱。鬱。傾。乃。動。物。誠。捐。貲。千。百。
六。置。田。計。長。久。以。爲。後。來。勗。月。令。與。周。禮。唯。君。爲。能。讀。
死。者。既。已。瞑。生。者。白。予。育。壺。中。貯。丹。砂。活。人。日。不。足。生。
老。病。死。苦。引。領。得。所。欲。吉。人。陰。行。善。不。求。名。與。福。獲。上。
乃。在。茲。鉅。製。旌。循。牧。嘉。君。眼。前。仁。望。君。膺。拳。服。大。廈。在。
胸。中。普。覆。萬。家。屋。

甲午鄉試入簾分校恭和

御製貢院詩四首

元韻並呈

大觀察顧響泉先生

天高月淨桂花晨。正是旁求到蜀閩。八郡英才齊鵠立。

三巴人物憑薑辛。清真雅正遵皇極。霖雨鹽梅寄

偉人。一自風簷真草就。生花吐鳳藹如春。

郎官本自應三台。特試鴻詞拔雋才。卓似眉山斯可矣。

翩如司馬亦優哉。燈殘只許朱衣點。屋隘儘容彩筆開。

莫道文章無定價。親提玉尺日邊來。

萬里扶風各自搏。青雲應許大鵬干。名傳蜀國三千易。

寶副君恩萬一難。玉尺不量初製錦。棠陰只蔭有

猷官。竿頭百尺頻頻進。壯志休隨夜漏殘。

肯使明珠竟海沉。佳篇林立費長吟。茅廬釋褐風雲聚。

聖主優賢雨露深

睿藻輝煌同日麗名臣賡和

重難林校讐好布珊瑚網敢負冰壺一片心

寄祝雅州盧輯五壽

黎雅有高士其詳乃得聞乾坤一老子山水共徵君茂
德既如此傳經應不羣願從重一後盧弟把酒續雄文

僦居

乾坤腐我老為匏。斲僦幽居理鵲巢。隔院籬穿先補竹。
遮風簷短旋添茅。為妨月路窓常啓。恐誤花辰譜自抄。
鎮日閉門無箇事。好尋木石締新交。

和周魯齋見寄元韻

見人羞澁語期期。滿肚皮皆不合宜。樹到秋深飛病葉。

人○從○宦○冷○少○心○知○栽○花○欲○得○籬○黃○趣○送○酒○誰○教○衣○白○馳○
遙○接○鴻○章○如○覲○面○撥○開○風○雨○一○裁○詩○
城○郭○收○功○未○有○期○素○心○蘭○室○覓○相○宜○放○酣○自○已○惟○尋○睡○
恐○誤○浮○生○不○受○知○八○口○糗○糧○增○鶴○共○百○年○歲○月○駭○星○馳○
思○君○逸○興○原○非○淺○豈○是○猖○狂○愛○和○詩○

感懷

人○生○七○十○古○來○稀○宦○海○悠○悠○屈○指○齊○諸○事○上○心○都○是○悔○
頻○年○催○檄○總○成○啼○小○妻○多○病○增○調○劑○推○僕○無○知○索○食○衣○
况○是○米○珠○薪○桂○日○嗷○嗷○八○口○怎○療○饑○

奉和大觀察顧響泉先生還山八首元韻

帆○挂○萊○衣○喜○懼○年○錦○城○士○女○總○茫○然○潛○滋○蔓○草○憂○將○發○

待。哺。創。黎。實。可。憐。借。寇。無。方。垂。峴。泣。還。山。有。詔。接。疏。

賢。此。情。載。向。江。南。去。匹。馬。重。來。映。後。先。

蜀。江。風。定。浪。初。平。豸。閣。魏。魏。報。政。成。策。馬。爐。山。天。息。障。

還。轅。錦。水。地。飛。聲。萬。千。人。宿。扶。輪。集。回時迎者以萬人計三十里。

坪。負。弩。行。司。馬。相。公。絕。盛。事。而。今。重。見。此。都。情。

峴。首。甘。棠。去。後。思。牙。檣。未。動。蜀。弦。悲。名。書。天。錦。心。傳。眼。

情。獻。郢。筒。酒。在。危。細。雨。斜。鋪。清。障。霧。微。風。初。漾。展。靈。旗。

可。憐。父。老。南。薰。外。三。日。依。依。諸。葛。祠。去時南城外接者凡三日夜

日。日。頻。彈。劍。豸。冠。一。人。後。樂。萬。人。安。尊。前。雪。案。三。冬。暖。

帳。下。霜。威。六。月。寒。歷。歷。花。村。眠。吠。犬。悠。悠。化。日。拂。漁。竿。

西。來。大。使。誰。相。似。張。詠。風。流。僅。半。看。時懲治咽匪四境帖然

學問經綸第一人。片辭紙貴洛陽春。眼空文定千秋案。
 詞摯情陳萬里親。粉署於今為法吏。蘭台在昔是詩臣。
 賦心猶寄峨眉月。琴鶴蕭蕭僧伴貧。去之先一月住峨眉
 迢迢雲水古方家。松菊猶留舊逕花。白港漁歸評補楫。
 綠蓑人立話迴車。有時踏屐千峰雪。亦或乘舟兩岫霞。
 三樂堂前天事足。此行何異泛仙槎。
 七十投閒未放閒。自慙無復舊容顏。谷深爭教鶯遷木。
 天濶猶羈鶴在山。情未免時鄉夢醒。老難忘處淚痕斑。
 何如振翮雲霄上。千里江風一夕還。
 上。心。事。事。悔。全。非。稜。屋。低。欄。趯。趯。飛。白。首。猶。懸。身。外。癭。
 紅。檀。應。懺。佛。前。衣。長。稽。素。牘。渾。無。賴。雖。夢。林。泉。不。是。歸。

一自趨庭詩禮立始知空谷不音稀。

題獨坐美人圖

初下牙床慢捲鉤美人獨坐蘊風流不知想着何年事
直釧而今不轉頭

題捲簾美人圖

淡黃衫子藕絲裙高捲簾鉤手似薰偷覷春風藏半面
不教綠綺結文君

送別京兆顧息存先生赴綏陽省先墓

日暮天邊琥珀光日出天邊水晶涼人生有入復有出
行乎其所以不得不行者發馨香先生大孝老彌篤命駕
十里尋宗躡出門正值凜冽風招招舟子東復東貂裘

迎。幌。楓。顏。紅。憶。昨。江。干。醉。玉。卮。示。我。墨。印。將。軍。碑。自。言。
先。人。曾。守。播。威。德。入。土。墓。于。斯。道。遐。日。遠。不。遑。省。荒。煙。
蔓。草。迷。宗。支。賢。哉。綏。陽。令。一。諾。千。金。定。尋。踪。覓。跡。得。其。
真。鍊。石。鐫。文。發。硯。新。畫。地。為。城。正。經。界。手。摹。千。章。寄。主。
人。傳。聞。夜。郎。多。自。大。新。鬼。不。恭。舊。鬼。慨。况。復。苗。人。肆。斧。
斤。漏。天。風。雨。亦。為。害。盍。往。省。哉。俎。豆。陳。松。耶。柏。耶。佳。樹。
在。一。自。矢。誠。邱。墓。旁。么。魔。細。人。敢。猖。狂。於。戲。此。一。行。行。
其。所。當。行。上。以。妥。先。世。之。靈。寢。而。下。以。垂。子。孫。之。典。型。
別。載。調。饑。過。萬。湍。迎。風。早。駛。孝。思。船。

古意寄隆昌朱明府

開。籠。出。鸚。鵡。猶。向。屋。簷。飛。非。不。戀。深。林。足。跛。未。得。歸。羽。

毛既已落。燕雀爭與齋。失調衰且病。兒童戲山雞。委棄
大道旁。行道徒淒淒。不見乘軒鶴。乘軒千仞躋。鸚鵡自
穆穆。無言未敢啼。誰為稻梁謀。漢陰自息機。

東潘明府蘆溪

蘆溪飲我醉。清晨策杖醉後天地寬。放手與茗戰。澗
滾亂塗鴉。亦寫本來面。僮僕秉燭迎。夜深將達旦。

移花

生有耽花癖。不花如面墻。而乃事簿書。時一采羣芳。一
值軍儲動。此事遂荒唐。唐鞅掌三十載。垂暮下琴堂。無錢
買夏屋。旅病遷蜂房。寥寥屋數間。先覓種花庄。庭餘半
畝地。重發舊時狂。貧賤而富貴。展也國色良。昨飲京兆

府詢余種植方先生曰知己貽我一枝香三全如鼎峙
四苞識孕強珍重栽新屋灌溉展所長來年一布褥定
自冠羣芳

惜落梅和周梧軒元韻

瀟瀟夜雨落香魂宛轉金波補缺痕料峭冬風無賴極
急催素影下寒門
香閨自昔怨離魂輪到梅花亦減痕縱有不凋香味在
尋梅人到不敲門

和洪明府悔翁元韻

冥冥天視自昭然煮豆燃萁苦自煎微福驕人微禍懼
惡因緣是好因緣

九日李默齋都閩招飲手談坐我秦師張端揆之

右挹其貌粹神清率爾賦贈

掉頭紗帽外。頓覺老身輕。有夢尋蝴蝶。無花醉菊英。將軍逢勁敵。鈍吏過堅城。坐我秦師側。一峰江上橫。

咏桃

白白紅紅巧樣妝。趁春肥處賺劉郎。縱然梅格清於我。渠到花時獨自香。

悼亡妻張茂姑

母女偕亡月後前。中間相距七三天。更無親戚相溫藉。薄命如卿信可憐。

女不能言知識無。茫茫泉路孰招呼。而今安汝東山上。

須索尋來一處居

我在華陽卿在資病中惟有婢攜持誰知卿到華陽後

我又資陽永別離

寫書遠寄古荒州一面慈親死便休望到隆冬音信杳

向人無語只低頭

老妻即世哭哀哀卿死何人哭土埋獨有老夫髮種種

親提壺榼墓前來

從來薄命誤紅顏爾不紅顏薄一般只為無兒堆孽案

教人何處覓鷓鴣

登同慶閣

重陽前二日應華陽學博之請時 顧京兆 彭樂齋尚北山亦在坐

嶙嶙高閣掛江秋取次同登磴道幽八面天邊雙縱眼

萬人家上。一低頭。香山老會。今過半。北海樽開。夜未休。
醉後不知雲路遠。少微星聚仲宣樓。

咏竹

一根棍子勁如鐵。纜出土時風味別。莫道此君太瘦生。
虛心獨抱寒江節。

咏梅

肌冰骨玉老枒杖。不到深寒不放花。蓮有遠香松有節。
合來一處總成他。

題山木圖

山深樵徑絕。亦有有人家。落落烟雲裏。何人泛月槎。

自壽

馬齒年加長。蠶叢路不饒。嶺松陳大厯。溪水當新醪。雞黍風斯古。雲山首自搔。于茲堪介壽。何必獻蟠桃。

山行

幾重活水幾重山。水繞山環屋數間。欲向此中尋大隱。山如鍵戶水如關。

署中望王望山

開門便見王望山。山自青青意自閒。我問青山何日老。青山問我幾時還。

重陽無菊

古華驅車到宕梁。百八十日遍尋芳。名花異卉雖已矣。菊花猶自負重陽。我有綠蟻三百石。白衣人去空籬黃。

吁嗟乎。我本看花人。秋花何寂寂。空啟習家園。莫慰陶
公怒。從容步上擊甌樓。唐狀元張含居此舉頭明月清
如滴。

別巴州士民

二載巴州主。初冬逆旅賓。望山仍戀故。字水不書貧。羅
雀門宜舊。韜琴調易新。願言諸父老。長作萬天民。
錯愕來山郡。遐哉禹甸荒地連。西服盡人尚北方。強險
走身如鹿。悲懷淚墮羊。寄言賢牧守。無樹不甘棠。

七星石和周魯齋學博元韻

有石有石在于崇阿。既溫且栗。亦孔之多。厥孔維
七萬象。包羅昔在草莽。陋如之何。移來偃室。洗伐

三過神寒骨重咫尺嵯峨可以砥流俗之佻達而
供學士之吟哦

瑩瑩七政麗天張隕石人間吐異光斷嶺不辭雲入岫
倚梧只許鳳鳴岡銳鋒穎脫春秋筆遠孔睛開青白睚
偃室移來花下賞對君何惜索枯腸

上巳飲周魯齋學署

捐捐驚春暮綢繆三月天蜂蝶香蕊國燕剪落花箋正
是高齋會相招上巳前蘭亭修禊事金谷敲瓊筵幽賞
宴桃李清歌雜管絃惟憐商韻洽不覺燭花偏舉酒迷
章眼何人問度年偷閒此一日亦即是神仙

送周魯齋會城送考

無邊桃李倚雲堆。知是魯翁親手栽。此去錦城重檢點。
順風先帶幾枝回。

獬犬

吠為非其主。於今謬不然。反噬閔赤縣。狂叫落青天。肆
惡惟專食。含沙起瘴煙。吁嗟慚跖犬。應黜旅獒篇。

感懷

虎生三日學吞牛。人到僉壬獸與儔。有火雖鎔頑質鉄。
無篙可渡颶風舟。放懷已被浮雲隔。公道還應白髮留。
自古聖賢遭衆口。願將此事付浮鷗。

天熱東周魯齋廣文

四月五月天不雨。大火炎炎自公怒。一雨便晴暑濕爭。

請君入甕洪爐鼓。思量無計避炎光。惟有鬢宮殿閣涼。
夏木陰陰覆大厦。洞達重門曉風長。况有主人周茂叔。
一詩一棋旗鼓當。解衣磅礴開白眼。看他世人逐逐忙。
吁嗟乎人生貴適志。適志憂患藏。其間開口笑。一月能
幾場。孰若我與君。翱翔乎室以內。而優游乎水一方。

無題

撫字勞勞薄繭絲。誰知以是作予疵。情多盡被愁消去。
酒美偏將恨下之。避爾俗塵惟拂麈。通茲劍氣為防鴟。
近來學得灰心法。萬感難搖不動思。

無題

挂雪岩前挂學書。土人點綴少工夫。誰知字也遭凶手。

倉聖當年播惡無。

金玉為心草作包。聚衣常細謫難逃。儻君遇着張丞相。銚豆和來飼汝曹。

勝母朝歌與互鄉。賢人到此費商量。喜君刊落痴名姓。不住汙池住上方。

賞春

料峭春風欺白髮。春花春酒獨依人。會須痛飲醪三百。醉問春風貧不貧。

乙未卸事

有客堂前坐。詹詹話時流。不盡心中事。欲語又遲留。久乃出懷札。云翁已告休。呼童攜象出。日日望君侯。

感懷

天○放○吾○儕○任○嘯○歌○特○從○烈○燭○轉○清○波○腰○伸○自○詫○新○生○胆○
碁○僻○人○驚○別○有○魔○驛○路○奔○情○今○解○轡○鷹○江○織○思○許○停○梭○
伊○誰○破○俗○來○相○訪○錦○里○先○生○載○酒○過○

獨坐蕭寺

老○妻○已○物○化○稚○子○遠○扶○持○蕭○寺○連○宵○雨○孤○燈○獨○照○誰○

資陽道中貧病四夫相望於道慨然有感

金○首○肆○暴○虐○赫○赫○整○師○徒○轉○運○經○千○里○挽○輸○動○萬○夫○風○
霜○渾○未○慣○病○疾○孰○為○扶○醫○藥○珍○如○寶○口○糧○有○截○無○計○惟○
還○井○里○猶○得○死○田○廬○死○者○填○溝○壑○生○者○像○鬼○狐○同○羣○莫○
返○顧○逆○旅○不○招○呼○有○淚○酸○常○噎○欲○行○力○不○驅○何○人○睜○白○

眼。一上鄭公圖。

述夢

予以城故赴新綿時戊戌夏四月假館雙江書院門人侯文伯為予說夢道前生事云是漢季張任脫化者余疑之証以予夢則又竒之率爾成句見洪鈞鼓鑄之妙傷臆神奇余於文伯非

真夢夢者

不。解。今。生。孽。焉。知。昨。日。身。今。生。與。昨。日。鼓。鑄。在。洪。鈞。憶。余。尹。茲。土。夢。席。北。山。茵。營。營。築。居。室。室。在。翠。微。岑。以。暇。登。其。山。棺。剖。白。骨。陳。出。碑。知。姓。字。孽。漢。張。將。軍。証。以。全。雁。橋。其。人。是。耶。真。封。邱。鐫。碑。誌。此。事。有。司。存。忽。聞。文。伯。

語。嗒然喪吾形。昨日死。何苦。今日生。何屯。豈死失其所。
猶種此孽根。若使再脫化。又作何如人。蕭何應。昂宿李。
白夢長庚。羊祜識葉環。嚴陵當客星。茲事或有之。陰陽。
變化神。我今蹀躞來。仰止忠烈魂。願解桎梏網。了此前。
後因。

五月五日拜張將軍墓

將軍諱任劉璋時為從事官

五月五日天氣清。翠微深處覓前因。孽漢從事張將軍。
一腔熱血萬慮輕。鹿頭山下功垂成。鳳死龍隨乃成禽。
武侯降之不可能。用付刀鋸成其名。藁葬北山卧白雲。
我昔為之營其墳。遣碑鐫字表芳聲。春秋時祀禮慇懃。
以慰千載忠烈魂。我今潦倒為茲城。空瓶冷甕濕烟生。

綈袍不贈蔽裘身。奉飭奉駁往來頻。終日慙慙坐黃昏。
三十年限責備深。算來百歲以外人。嗚呼張將軍。生為
烈漢。沒為明神。能鑒昭昭與冥冥。拜墓前者墓中人。驪
酒三升老淚傾。能勿歎感慨出我於水火之沈淪。

抵綿州

蹀躞來濕水。晨星落落稀。獨憐春社燕。猶認舊烏衣。

夜雨

一雨渾無賴。黃昏便欲眠。耳邊聞促織。枕上落飛泉。寒
怯三更後。烟温二月前。典衣薪水盡。不剩一文錢。

赴新綿和何鳴九韻

不思揮霍追豪飲。未敢猖狂浪作詩。石亭去後琴音杳。

新得台山處士知

自嘲

驢背駝來白頭公。醺然忘却阮途窮。有人笑指人叢裡。此是錚錚鐵背翁。

漫興

身隨市井長為客。夢入林泉不是歸。若問老人何處宿。亂花深鎖破柴扉。

寄何鳴九

錦江補楫已多年。伴影無如涪水天。對面相遭不相見。與君重訂後來緣。

予以城故錯趾。紋水間噫甚矣。憊而百年之內得一

士焉自謂不孤又復咫尺成千里豈緣分之慳耶抑天
運其遇合以俟將來兩相成耶故作濕雲忙新月上
以誌感非人世縞紵贈投云云也

濕雲忙

濕雲忙辰到酉卷白衣馳蒼狗雲質本輕清乘風便疾
走誰知風力下于常雲挂青天掣其肘掣其肘功何有

新月上

新月上挂金鉤剔新愁引舊愁舊愁有萬斛新愁加倍
收一墻隔斷天邊月兩地新添幾擔憂幾擔憂思悠悠

庚子三月館元生齋署

東道元為長西齋老作賓二三子倚玉七九翁知津已

作客中容由資寓繁猶分身外身。主人同臭味。几席盡如春。

五月一日家人送蓆赴彭。連夜陰雨未能御。此小婦憐吾熱。寄來簾一床。云熱歸蒲節。為君穩睡鄉。那知連夜雨。勝比九秋霜。暫束懸高閣。涼情不可忘。

大隋山瀑布

大隋山上石頭尖。峭滑難容滙水淹。裂作千條萬條線。向人挂出水晶簾。

鐵背翁歌寄何鳴九

九九老人臂如鐵。掉頭紗帽纏身孽。一痕弓月落前村。蕭蕭獨釣渝江雪。終日憂愁病轉多。憂愁於事濟得麼。

不。如。破。涕。為。歡。笑。花。前。杯。底。且。放。歌。有。花。有。酒。兼。有。月。
人。生。得。此。能。幾。何。老。人。於。此。攄。長。嘯。把。酒。拈。花。學。年。少。
左。挹。浮。邱。右。洪。崖。對。月。裁。詩。擬。詩。料。三。月。三。日。到。彭。城。
綠。柳。馬。蹄。風。送。塵。二。三。子。者。彬。彬。侍。桃。李。溪。邊。鶴。一。聲。
生。齋。先。生。相。見。歡。示。我。鴻。文。三。百。篇。讀。之。未。竟。拍。案。叫。
不。道。頭。風。在。此。痊。自。關。蠶。叢。自。樹。格。說。理。如。破。天。光。白。
縱。橫。逸。氣。搗。堅。城。是。真。雷。霆。走。霹。靂。以。此。相。得。復。相。資。
講。學。論。文。兩。得。之。寄。語。台。山。何。鳴。九。大。雷。雨。中。作。此。詩。

彭天門

彭。城。北。盡。盡。山。村。兩。岸。誰。雕。開。合。痕。山。到。水。邊。不。入。水。
掉。頭。回。去。裂。天。門。

與門人何鳴九

人。生。感。知。已。國。士。以。報。之。羊。左。與。鍾。伯。肉。骨。而。膠。終。豈。
曰。尚。意。氣。吾。道。良。在。茲。予。於。台。山。友。神。交。未。晤。時。禁。門。
只。一。見。傾。懷。百。年。思。讀。君。遠。遊。集。舞。劍。潭。瀏。漓。讀。君。幽。
憂。集。酷。就。九。折。醫。願。君。出。羅。網。碧。山。以。為。期。時。予。受。波。
詭。灑。淚。出。潺。水。羸。馬。走。東。西。挖。肉。而。補。髓。行。行。到。彭。門。
玉。筍。蒼。然。起。已。是。賓。中。賓。聊。且。止。吾。止。劫。火。燒。不。完。春。
風。吹。又。始。作。詩。欲。寄。鶴。苦。乏。雲。中。使。忽。接。雁。幾。行。拍。案。
叫。欲。狂。辭。我。千。重。慮。貽。我。一。瓣。香。六。月。七。月。後。行。與。子。
相。將。豈。無。首。邱。感。緣。不。斷。酒。漿。老。夫。有。心。病。病。不。在。醫。
方。與。君。形。神。會。相。携。入。混。茫。

又與何鳴九

吳鈞能截兕。不能截水。斷磁石。能引針。不能引情。管乃
知我與君。神情渾一片。君既脫鞴飛。我亦蝦鬚卷中間。
會晤期未能。預打算。秋風上西齋。莫教雲容嬾。

題瓶菊圖

籬下兩三朵。連香送玉壺。莫言能節取。認作折腰圖。

題山樹圖

山深叢木雜。亂石擁枒杈。上蓋幾間屋。亦自樂生涯。

送雅安盧玉堂赴京

西南有偉士。玉樹臨秋風。已拔膠庠幟。還擎巧力弓。不
甘一劍試。欲作萬夫雄。花放江淹筆。雲興荀氏龍。匣光

冲斗北。藜火射堂東。既入英雄彀。應魁大小馮。綵衣新
試紫燭影。舊搖紅。此日朝天去。人驚萬里鴻。



歸田集

趙州楊周冕古華著

族孫振綱夢清

全校刊

底定橋次韻二首

姪曾孫需雨人

墜壁枯查壅渡頭。何來鍛鍊走狂流。
 鈴崖高結雕弓。鰲石平鋪杉木樓。
 夾岸金繩環雉堞。橫江鐵鎖穩刀舟。
 從今不唱公無渡。蒼水元夷有大猷。
 鋒鋒百練鏖江頭。無數風波只下流。
 瘦液老依雲浣塔。鷺魂新上月明樓。
 當年遺製留金齒。此日臨巖有鐵舟。
 繫就金鈎調玉燭。儘教儒素贊皇猷。

郡城陳二秀才以旅舍逼熱過我補可山堂留飲
 竟夕以詩見贈東此奉荅仍次元唱

酷。雨。炎。風。汗。欲。流。花。間。立。馬。捧。金。甌。如。君。纔。下。陳。蕃。榻。
舍。我。誰。登。庾。亮。樓。銀。燭。幾。條。山。月。曉。清。歌。一。曲。火。雲。收。
何。年。十。九。峯。頭。上。雪。洗。塵。封。萬。斛。愁。

壽晉寧羅廣文

巨。面。方。瞳。味。真。海。天。深。處。一。儒。臣。攜。將。鷺。嶺。千。峯。雪。
散。作。陽。城。百。里。春。綠。野。樽。開。松。作。主。朱。顏。色。醉。鶴。為。賓。
前。身。不。是。牟。尼。種。那。得。蓮。花。滿。席。陳。

僮僕捕獲松鼠因責遣之 五古

趯。趯。松。間。鼠。出。沒。不。于。常。五。步。一。迴。顧。東。西。各。跳。梁。縱。
送。柔。無。骨。走。險。踏。康。莊。小。園。當。盛。夏。桃。李。杏。梅。芳。以。時。
菓。就。熟。臭。味。發。馨。香。主。人。未。入。口。鼠。輩。先。飽。腸。蹙。然。足。

音到卷曲隱蜂房。半年玩賞具供爾。一月糧爾以貪得。
食人於貪設防。果作釣餌其中機。械藏一朝墮罟獲。
束縛半山堂。主人矍然起命且勿大創。吁嗟爾來前吾。
今問其詳非義不苟取。吾不於爾望。但念天地物不時。
食不詳盡取。則為虐不仁罪孰當。况物各有主亦須半。
留嘗營營窮口腹。全教蕪恥亡。吾按竊盜律口實獲真。
賊。吾按杖笞法。車轍壓螳螂。悲哉釋爾去。歸語爾同行。
貪夫徇利死。貪鼠徇口殃。狡疾不可恃。人心險更剛。計。
惟廣莫野。無何有之鄉。山肴及野菜。纍纍垂蒼蒼。天人。
所棄物多取。不為傷亦戒。無厭欲鴟梟。嚇其傍。

彌川八景

東谷梨花

二○月○春○梨○擁○白○雲○。開○樽○酌○月○枕○花○。葭○朦○朧○却○被○春○呼○醒○。
錯○認○東○山○鶴○一○羣○。

西河烟柳

萬○縷○陰○中○擁○畫○橋○。碧○紗○烟○鎖○小○蠻○腰○。欲○尋○五○柳○先○生○宅○。
迷○却○前○村○路○一○條○。

南鄉温水

地○志○温○泉○理○或○然○。那○知○此○處○熱○如○烟○。回○頭○沐○浴○先○齋○戒○。
鼎○鑊○湯○中○起○白○蓮○。

北刹晚鐘

青○螺○山○復○招○提○境○。方○便○聲○開○覺○路○。鋪○誰○授○僧○敲○紅○日○棒○。

到。今。留。作。五。更。鐘。

天橋掛月

一。山。劈。破。兩。峯。挑。水。在。山。根。石。在。腰。月。過。東。山。不。肯。上。
倒。拖。素。練。搭。天。橋。

鐵鎖飛虹

鐵。鎖。橫。江。夾。岸。虹。風。磨。雨。盪。老。山。東。行。人。腳。下。看。明。白。
此。是。錚。錚。鐵。背。翁。

石硿花鯉

南。山。南。盡。石。門。遮。雨。硿。魚。翻。錦。背。花。擲。米。食。魚。魚。受。賜。
斑。衣。戲。綵。拜。恩。奢。

梅村晚荷

古詩集 卷二
梅花。庄下水盤窩。故故金風放晚荷。莫怪橫塘遲吐豔。
秋花濃比夏天多。

鳳仙

鳳仙花特艷。無語倚闌干。豈是趨炎熱。嬌柔不耐寒。

移栽鳳仙

別植鳳仙花。其花趨等彙。乃知天地間。物以少為貴。

移榻

移榻近紗窗。掀窗月在床。眼隨月俱白。夢隨月俱涼。只此清虛境。無何有之鄉。

石榴

石榴青結子。醉夏燥秋風。不倩胭脂點。深紅間淺紅。

製衣

多病愁冬冷製衣早夏臨先時四五月未雨綢繆心

宿根菊花

菊。赴。重。陽。放。當。時。氣。始。催。霜。天。不。嗜。殺。暖。砌。又。重。開。歷。落。兩。三。朵。醞。醞。四。五。杯。人。生。留。未。盡。有。若。此。根。荄。

觀奕

為。之。猶。賢。已。吾。聞。諸。仲。尼。只。爭。先。一。着。捷。足。者。得。之。漢。王。入。關。日。鴻。門。侍。宴。時。能。忍。不。能。忍。帝。虜。定。於。斯。

盆松柏

松。栢。高。千。尺。胡。為。乎。盆。中。根。拳。枝。葉。促。屈。屈。如。老。翁。但。存。古。意。在。高。低。一。樣。同。

讀千家詩

神仙七日世千年。此語荒唐大不然。雲裏金烏無兩箇。山中歷日豈單傳。假饒許萬十千歲。纔過塵凡二百天。人壽莫長仙壽短。教人未肯信神仙。

自贈 七律

鬚眉蒼拙體魁梧。亦向人間作釣徒。白手再磨歐冶劍。青驄三上帝王都。功名蹭蹬腰寬我。兒女稀疎債放吾。等到古稀纔望八。可容此老浩歌無。

蒼山石屏

吾友殿臣蒼山主。遺我蒼山石一堵。琢磨經宿迺成功。寬可尺三高尺五。濃淡烟雲畫不如。遠山近山室太古。

置之座右雲氣生。一顧再顧來風雨。始知觸物可淨心。
而况清凉先肺腑。吁嗟乎安得此石萬里長。盡覆征人
不汝苦。

吾友殿臣以貧故餬口蒼洱間。已卯夏郡城陳二

秀才希願道其絕志棘闈殊非願望作此勸駕

諒不否所云也

七律

元。白。交。親。四。十。年。當。時。倔。強。欲。登。天。那。知。我。墮。傷。心。谷。
更。訝。君。炊。盡。黍。烟。洱。水。洲。停。仙。鶴。翥。蒼。山。雲。擁。老。龍。眠。
丈夫有具終須合。利市欄衫換眼前。

桃花半綻方纔別。桐葉爭飛尚未還。慷慨猶存豪士賦。
清貧肯受故人憐。芙蓉木國烘雲渚。桃李春風起硯田。

遙望海東多紫氣。片帆穩送孝廉船。

已卯秋送漢任赴省試二十韻

君國終難置。男兒早自強。時乎不再得。古者未之忘。蘊籍非深厚。發揮那尙皇。培風健羽翼。脫穎出錐囊。寶劍豐城隱。驪珠渤海藏。養成邦之彥。利用賓於王。况處明良世。不遺衡鑑堂。見今嚴選舉。較昔更精詳。詩賦追千古。經書別兩場。三年一貢士。十日九迴腸。務得瑚璉用。不教荆棘傷。茲吾思未墜。於汝能無望。行矣溟將徙。勉哉心自量。期前休蕩鞅。試日謹徜徉。如對千人敵。而能一力當。為文遵雅正。晰理判微茫。策意江都董。詩情天寶唐。能為元圃積。始嗅紅綾香。利市欄衫貴。風流彩袖

長鹿鳴倘可與鵲噪應非常。

余樓居榻在東園上夜來風聲百樹皆鳴鏗鏗鏗

鏗亦適耳之一快也

五律

榻在東園上風搖雜樹鳴。魂蕪松韻冷夢倚竹音清。况有鳴蛩助兼饒流水聲。床頭殊不惡亦足老餘生。

修竹

五古

門前百竿竹種自康熙時為日既已久土勁水地滋蕪之風雨蝕潦倒不成枝斧斤旦旦伐以供他人私鉅者縮而細高者降而低雜亂無次第蕪穢媿清池急命僮僕輩為我一修之芟去枯且短苗彼大且孳通溝注流水疏鑿老地皮人力既已到將來庶孳孳一為門屏蔽

一。為。娛。目。資。外。人。不。解。此。道。是。主。人。痴。苟。痴。盡。若。此。勝
于。日。夜。馳。

剖瓜

如。焚。天。氣。日。初。斜。滿。酌。盧。仝。七。碗。茶。究。竟。滌。煩。煩。不。解。
內。人。親。剖。邵。平。瓜。

蚊

白。日。依。豐。草。黃。昏。入。幕。窳。趨。炎。方。得。志。為。口。禍。斯。民。逐。
隊。來。羣。穢。先。聲。不。畏。人。腠。肌。深。至。骨。刺。血。毒。於。信。帳。暖。
無。如。富。衾。單。肯。放。貧。何。時。風。伯。怒。驅。汝。海。之。濱。

送趙圖南遷居大庄舊從戎川省

不。騎。鐵。馬。快。磨。鋤。挖。藥。雲。山。雨。過。初。明。月。送。歸。虛。白。室。

閉門且自讀方書。

釜底無煙非為病。囊中有藥不愁貧。有人山市來相問。
十藥千錢兩下春。肘後醫方太液丹。羞同俗輩賣猪肝。移來山水前頭住。
莫作時流一樣看。三五為鄰合芥針。時時過我撫幽琴。而今移向前山去。
隔院猶聞太古吟。

半山草堂落成

五古

乾隆乙亥歲。構屋兩三間。破竹為脊骨。編管以茅菅。雙扉側邊入。雖設而常關。四壁惟土色。不用色斑斕。簷前四尺地。旁鑿水一灣。其中養鯉鯽。其上種蘭蘭。壘石當

戶。牖。四。面。竹。迴。環。雖。與。市。城。近。猝。到。非。人。寰。主。人。長。來。此。洒。然。萬。慮。刪。乃。所。願。學。者。元。和。白。香。山。他。人。自。碌。碌。吾。意。獨。閒。閒。客。至。不。迎。送。開。籠。放。白。鷗。有。時。跣。跌。坐。心。同。死。灰。般。有。時。科。頭。立。看。雲。去。復。還。一。卷。讀。殘。月。一。杯。醉。醺。顏。僮。子。來。問。事。荅。曰。汝。自。嫻。以。此。銷。永。日。不。覺。髮。毛。班。

栽菊 七律

冬。培。菊。本。春。栽。菊。夏。理。花。枝。秋。始。花。辛。苦。三。時。看。半。月。安。排。青。眼。付。黃。華。能。詩。不。作。真。孤。負。有。酒。空。拈。亦。大。差。斟。酌。栽。培。詩。酒。興。風。流。千。古。屬。陶。家。

示繼祖

有侄纔六齡。厥名自祖受。當其乳抱時。後先失父母。親
逝不知悲。見予即拊肘。余以斗升祿。奉親握銅紐。罔極
祖母恩。念汝汝知否。歸來汝病肝。童顏如敗柳。盡人秦越
汝見之心如剖。勤繙諸藥書。証之醫人口。斟酌復斟酌。
卯翼惟恐後。寢食與我俱。便溺經吾手。調理三月餘。嬉
戲如雛狗。笑學他人音。行牽我衣走。教之讀毛詩。背誦
朗某某。教之學拜跪。三揖三頓首。此事汝應知。聰明汝
所有。蓬生麻中直。樗到陰時扭。汝大學三益。拔去苗中
莠。汝大謹隄防。莫戀杯中酒。汝大平性情。暴怒傷人壽。
汝大勤讀書。以繼先人后。汝大篤親親。福澤始長久。好
人自爲之。莫恃吾善誘。

贈隱者

朝飲澗下泉。暮向澗邊宿。朝朝與暮暮。長此雲水麓。問君何所思。搖手復閉目。問君能飲否。曰是予所欲。一飲三百杯。不知日之旭。

種柳

屋西有隙地。廣可二畝半。棄之無何鄉。雞犬相蹂亂。久之荆棘生。虫蛇其中竄。厥土惟上上。可為三浩歎。以茲故鳩工。斧斤以時鑽。截高補其低。開成田三段。濬溝導水流。四圍立屋岸。溝邊種楊柳。旁以茅茨捍。五尺柳一株。計凡百餘幹。春夏柳絮拖。小憩足娛玩。久之枝條茂。尚可供庖爨。昔名鉢陶園。余高祖所喚。名花與異卉。

以時相燦爛。導河九曲流。舟行一以貫。歲始宴交親。自
午達之旦。此地十之一。亦曾備術燕。而以兵燹故。委之
不足算。爲此心兢兢。豈徒壯屋觀。

接樹

斷去桃李本。梅條旁貫之。紙封繩縛束。不使風入皮。本
不相蒙物。如何竟不離。江南春信到。暗發去年枝。不知
花與葉。都非舊日時。

贈瞽者

瞽者楊氏子。子身寡親族。饑寒交相問。暗裏吞聲哭。所
幸負穎心。十五品絲竹。遠師柳敬亭。淋漓風雨簇。奔走
富豪家。所得滿箱篋。三十始聚妻。惜哉亦無目。不及五

六年。妻死。一女獨伶。偶孤苦身。加以年歲。感富者。扁倉
。厥貧者。走鹿鹿。都爲衣食謀。爾藝將誰鬻。椿萱在堂時。
頻年常卵育。我遊萬里身。未知其顛覆。歸來訴苦辛。爲
之顏色楚。朝夕爾來前。再弄琵琶曲。嘈嘈切切聲。大珠
小珠續。離恨寫琵琶。淒風起四屋。吁嗟聽吾言。爲子思
之熟。貧賤孤疾來。四者皆天祐。爾今墮其中。茫茫無所
告。于無柰何中。拔去心頭鱗。使心如死灰。使形如槁木。
值我煩惱軀。排遣苦不足。爲我歌且彈。月給汝三斛。

刈草

一帶輕烟護短籬。如何滋蔓滿階墀。虛堂生白難容穢。
痴僕窺青欲種芝。嗜淡祇宜儲淡菜。行方合用鑿方池。

除開惡草心頭淨學圃先生匪我師。

栽竹

移來修竹半山亭。栽向門前不用扃。一任往來人看見。教他肉眼變成青。

中秋得月

浮雲卷盡委金波。萬里晴光寶鏡磨。豈為管絃吹霧散。水晶簾外立嫦娥。

爐裏香烟饒有看。清光影度桂花梢。來年月色知何似。且盡當前酒一瓊。

光排萬戶體如丸。想是文簫駕彩鸞。只恐夜深人睡盡。霓裳舞罷不勝寒。

志之乃不壯

秋夜夢得句云滿浮春甕灌秋癯醒以成之

年來心事白雲俱。恥向齊門學吹竽。自喜秋來無惡夢。滿浮春甕灌秋癯。

秋日同景賢兄益敦式丹雨外侄西山垂釣

西山山下貯清流。天放吾儕此一遊。稚子敲針頻度蚓。生魚放胆不驚鉤。習池坐久竿隨取。野竈烟生味不求。息機共拚如泥飲。遮莫青霜滿敝裘。

秋郊晚眺

信馬西郊走夕陽。風吹秔稻晚來香。斜暉倒晒黃金榜。晴樹橫拖紫玉光。決水平塍添故豆。抽刀刈穀試新糧。蒼茫雲屋皆烟火。慰爾千家有蓋藏。

贈南山隱士

綺里先生白布袍。南山南盡老蓬蒿。問君何事遠城市。
笑貌聲音無我曹。

文菊

培菊春之夏。巍然一大高三枝。排昂足九朵。列宮曹。艷
奪鮫人錦。紅欺露井桃。秋花多零落。獨此慰牢騷。

送李毓英昆季歸景東詩以勗之

士先德行後文章。珍重斯言慎莫忘。悔寡端緣經世久。
才多誤在早名揚。難拋几杖葵心赤。相送雲山橘子黃。
行矣歸求恭祇地。一燈遙証白厓鄉。

壽媿楊孺人

青鸞彩徹鉢陶居七八春光四十初絳帳舊迎仙掌露
綠窓齊下紫泥書諸孫競采長生菊列子歡承佩玉琚
應是吾家多壽母百年晚節自如如

謝惠映山紅

南山主者鹿皮翁手植幾株杜鵑紅十月霜天開不數
枝枝寒艷立春風
山人見我耽花癖以此贈之無吝惜知並春光送得來
詩情不向東風借

答馬殿臣

一年一度菊花天檢點浮生無一傳今日纔知昨日錯
秋霜慣與鬢霜連草合生意隨時綠月不中秋亦得圓

看來世事無我分。同君拚醉習池邊。

象箸

象箸瑤杯導女戎。諸般淫巧費無窮。商家六百年天下。墮在殘夫一飯中。

大雪和師式丹用東坡韻

太白羣星護爪牙。玉皇親駕碧雲車。普天借出黃金闕。率土皆簪白玉花。興寄霸橋驢子背。詩成繡幕美人家。東坡險韻無人和。留與狂夫就八叉。

龍馬塘

四圍山逼穴龍池。神馬當年此弄姿。不信人間有伯樂。空山風雨樹靈旗。

題鈕半村小照 鈕寓糧憲署作幕

大笑冠纓絕頭戴五華天問先生不衫不履不朝不野
終日箕踞兀坐而咿唔不輟者吾烏識其所以然先生
曰余將與造物者徒而處夫材不材之間

春遊選勝

二月春風緩撲膺紛紛士女踏芳塍就中有箇冠山子
一路看花到武陵

夏日觀濤

雨歇空山萬壑盈水從橋下走雷轟坐看怒浪千尋下
吐盡人間氣不平

庚辰夏民病時疫村人謀於予為禳禱之舉予以

其有改過遷善意也故許之

家家菜色已堪憐。况復瘟風逐戶傳。乍道深村無吠犬。
細看病竈熄炊烟。苟能悔懼勤修已。即是蘋蘩可格天。
上帝愛人終轉念。何曾要汝一文錢。

和南寧管明府留別原韻

瀟瀟風雨石城秋。正是屏人頌色侯。似別慈親牽繡袂。
爲多遺愛在神州。心同出岫雲閒卷。會設香山席佇留。
仰止風徽雲漢遠。津人有意學操舟。

採桑詞

妾家養蠶女。採桑飼朝暮。但得汝纏綿。豈畏行多露。
約遊水目山。阻雨不果。復訂後期。

不堪。暮。暑。訂。同。羣。水。日。禪。關。草。色。薰。莫。為。雨。風。停。展。足。
青。山。閒。却。幾。床。雲。

遊水目山劉益敦所乘馬迷回桑木阱故主處作

此慰之

莫怪不辭去。愚忠是夙根。雖蒙新主眷。猶戀昔時恩。順
道還桑阱。嘶風下柳屯。試看春社燕。都向舊巢奔。

遊水目山二絕

行行遊遍古招提。雨為清塵石作梯。刚到寺門僧問故。
掉回頭去看山鷄。

遊山不用買山錢。倒恐山僧禮數全。我自看山君自去。
大家有解大家詮。

遊大常住卓錫泉因登八韻樓步閃道人韻
杖頭活水掛飛泉。從此開山幾百年。寶塔千重梯屨直。
松風萬壑曳雲偏。登樓眼破尋常界。擲地聲聞尺五天。
遊遍中原今倦矣。可能歸老釣池邊。

遊水目山贈法明和尚

七十老僧面如童。背叉雙手立簾櫳。入山採藥西復東。
長嘯一聲山谷空。有時對客語從容。善戲謔兮灑春風。
醺然一醉如丹楓。歸卧繩床息鼙鼙。一睡三日混沌通。

遊水目戒堂

戒堂寺在最高層。俯視諸山亂點蠅。松趁月來迎瘦鶴。
竹從風折裂生縉。尋芝山曲遺麋鹿。問跡雲高立野僧。

古華言集卷二
最○是○五○更○殘○夢○醒○數○聲○鐘○磬○昔○如○冰○

螢

陰○房○矮○屋○度○流○螢○佐○讀○差○堪○代○燭○燧○莫○道○光○華○容○易○盡○
前○身○腐○草○是○浮○萍○

水○目○山○名○勝○六○首
五○德

木○犬

公○輪○木○作○為○大○士○木○為○犬○擊○柝○不○相○聞○一○聲○暮○雲○卷○

倒○影

葉○葉○對○枝○生○花○花○並○蒂○驕○老○僧○惡○腐○臭○一○棒○打○回○影○

繫○髻

儒○者○頭○懸○梁○標○師○循○厥○例○拔○毛○帶○動○心○日○月○星○辰○繫○

風洞
胸中無俗霧。地下走天風。不是桃源洞。蒼山有路通。

錫泉

一卓湧清泉。泉深井自穿。杖頭流活水。石上應開蓮。

古碑

碑影卧蒼苔。苔侵文字古。洗碑讀闕文。以作山靈補。

猛虎行

猛虎下山岡。不擇人而食。所食既已多。醉飽不能陟。坦腹險巖場。自謂極樂國。樵人晚其旁。予受汝之慝。發弩貫其胸。賊人還自賊。

昭君怨五首

肩頰欵闕遠嫁春。前人有例後人循。漢家肚量如天大。
不重生妻重遠人。

駝馬旃裘下虜廷。女兒身若是浮萍。琵琶抱定蘇卿節。
彈與東來明月聽。

冰心栢意委沙塵。白草黃茅認不真。只有一杯青塚地。
年年不改漢宮春。

戚夫人死訴天靈。飛燕何曾念鶴鴿。十載承恩應妬殺。
教人不敢怨丹青。

一紙丹青誤主恩。幾回徙倚出宮門。妾身如葉隨風捲。
但願明王熱覆盆。

雙頭蓮

半畝鑿塘。蓮花異樣。牀同心。風雨夜。聚首水雲鄉。蝶
翅。勻香細。蜂腰架露狂。雙雙圓鏡裏。不盡錦鴛鴦。

望十九峯東月村廣文

帶來隻眼為誰青。十九峯高列畫屏。頂薄儘教雲蓋厚。
形竒更藉雪添靈。上方惟有天風到。虛閣應無暑氣停。
猶恐蒼山酣卧久。一聲木鐸喚惺惺。

登浩然閣望洱海

傑閣臨江渚。僉稱玉洱河。馮夷捧出鏡。一任雨風磨。

鳳眼洞

四壁凝生鐵。如何噫氣通。劃開丹鳳眼。透出往來風。

陳藩侯招飲池蓮盛開因出已卯歲臺蓮圖以示

殆康節先生所稱瑞蓮者耶賦此以紀其勝
我聞太華之山玉井蓮花開十丈藕如船又聞南國所
獻夜舒荷一莖四花委金波頷擔湖中花事足太液池
邊解語多古來芙蕖類有異不遇愛蓮人柰何我來葉
榆當天午習池紅放花無數主人殷勤前致詞去年花
樣真奇古或如雙戟戰炎風或如美人鬢且拊就中一
朵最鮮新辦辦華從實裡吐孤莖一綫引蜃樓蛺蝶勻
香細細收錦上添花花上錦水國仙葩第一流今年花
欠去年枝去年花待今年詩有酒與君池上飲為我被
圖一賦之

任廣通教時送林明府運銅入京

轉輸大計雁行班。鉅任無於賢者慳。兩袖清風行負弩。
一船膏雨穩如山。如公繡虎孚當宇。似我雕虫歎倚
蘭。翹首旌幢天上去。携將湛露日邊還。

送閩中翁秀才懋捷

兩度鳳凰池上客。幾年風雨廬中人。詩臨汝水留香久。
雲謝巫山入夢頻。門外垂楊存古道。庭前哺鳥賦天真。
悵余交臂還相失。別酒三升萬里身。

榆城郭外德政碑

郭外題碑字。云稱長吏賢。蒼山相送石。不要一文錢。
彌渡天生橋。十景

藤蘿掛月

一鈎新月落山嶺。第一仙橋許孰登。自是山靈栽植穩。人疑掛在薜蘿藤。

石岫留雲

蒼崖碧洞鎖氤氳。傍曉開闢放白雲。自卷自舒常自在。歸與猶認舊東君。

洞口桃花

兩岸桃花萬樹葩。洞門只合泛仙槎。劉郎此日無消息。流作人間並蒂花。

橋頭笛韻

每於月夜發清聲。裂石穿雲萬籟鳴。上有仙人吹鐵笛。就中淒絕呂筠卿。

佛洞容光

千年古洞老山荒。一竅天開四壁光。寄語探奇選勝者。可知地盡有天長。

龍池清照

芭蕉樹下一灣清。似鏡窺人毫髮明。只恐此心難質照。幾回檢點向池行。

五石星聚

參差五石掛巖空。人道五星聚在東。危壘如丸常不墮。媧皇當日竟無功。

萬壑松濤

奔濤怒馬萬松聲。谷口風來樹樹鳴。一部霓裳天上曲。

何年落在石橋坪

東獅子岡

異樣天翁真好奇。隕星為石石為獅。昂頭蹲踞東岡外。虎豹空山見亦疑。

西羅漢壁

雲水為鄉慣渡迷。不冠不履面朝西。忽然壁合難分解。就在橋邊養木鷄。

春日閨夢

倦看蛺蝶鬧花叢。度入香閨睡味濃。春色不知何處醉。教人一夜夢朦朧。

夏日遊冷水塘

古廟空山裏。一灣冷水塘。泉清魚避色。萍靜鳥啣香。樹
曲迴炎馭。雲多穩夕陽。開樽連眼白。枕石夢冠黃。列子
御風日。王宏送酒場。匆匆成底事。遮莫老仙鄉。

輓文恪郭公

會把文章擬大魁。有才無命奈何來。龍翔院裡春花發。
為報先生次第開。走利奔名濃似酒。先生獨自抱初嬰。年來不作紅塵夢。
海外珠宮已落成。誰買駒光不老無。忙時偷取眼工夫。床頭抱定亡憂酒。
春在先生鼓腹圖。過我云辭濁世塵。燈前字字信如神。當時若竟閉關死。

誰信先生有道人

過彭澤

彭澤當年今是陶。醉中江上自逍遙。歸來種得輕柔柳。許向春風代折腰。

火把節

千家火樹弔蠻妻。當路何人禁品題。到底死灰不肯死。陽翻星斗火雲齊。一火能銷萬劫愁。忍將侈費沒先疇。兒家自有心頭焰。縱使烟消骨未秋。

重九客雲海楊疇若邀予看菊詩以答之

入秋以來天不霽。風風雨雨重陽矣。淨洗青天掛月明。

登。高。人。在。冰。壺。裏。粉。糝。餐。糕。鬪。花。下。龍。山。一。會。千。秋。話。
觸。緒。黃。抽。意。中。花。不。醉。十。日。焉。能。罷。雲。洱。先。生。號。播。南。
方。瞳。巨。面。古。且。妍。啟。扉。問。花。花。如。待。把。臂。評。花。花。欲。言。
纖。妙。閻。雅。丘。壑。侶。凌。霜。晚。雪。松。柏。匹。不。逐。東。風。嫁。艷。妝。
肯。欺。落。翠。心。獨。喜。五。色。離。披。煥。天。章。采。浮。琥。珀。輕。毛。羽。
往。者。淫。雨。苔。浸。幹。十。枝。九。枝。如。醉。漢。非。關。改。面。媚。金。風。
倩。君。扶。植。陪。清。讌。世。間。花。樣。趁。時。新。惟。有。黃。花。不。世。情。
開。向。霜。天。睜。白。眼。謝。不。飛。花。抱。永。馨。人。種。菊。花。並。柳。五。
死。摹。陶。公。焉。足。數。菊。有。幽。心。柳。眼。明。不。得。其。真。空。老。圃。
辛巳重九夜樞下駒潰閑而出啣菊殆盡詩以責

之
五古

可是前身菊。依依不下籬。栽培與灌溉。樂此不為疲。所
日懸望者。宛委欲花時。即容眠黃犬。何堪踏青驪。彼馬
何為者。乘閒斷絡羈。一切皆蹂躪。其餘充腹肌。傷哉長
壽客。踐鬻靡孑遺。吁嗟汝來前。予告汝于知。口腹人所
賤。汝蠢不汝管。但念種植者。春夏日孜孜。三秋玩賞具。
一夕饒口資。成毀雖有數。毋乃太不慈。主人不具論。客
見應歎咨。乘興而來賞。索然而廢詩。騶虞不踐草。曰仁
即在茲。甘棠戒勿剪。以繫南國思。且吾嘗自反。于汝亦
何虧。斲芻與飲水。縱汝東山嬉。歸來聊繫汝。棧豆腐人
支。雕鞍金絡索。飾汝出塵姿。有時乘汝出。輕緩懼傷皮。
一日十回顧。養汝如養兒。何哉賞心物。不一主人怡。予

金市駿骨。汝實愧於斯。名馬代美人。換汝將何為。計惟
售諸市。重理舊花枝。

夜覺訓繼兒

清夢初回後。呼兒誦古詩。隨將三字對。發彼一毫思。雖
無深意味。却不大差池。孺子可教也。循循善誘之。

初醒

五更清夢醒。萬事上心頭。似把曾蕉剝。如將放犬求。送
忙歸計畫。檄懶別衾裯。幾次難安枕。此身良不由。

謝僧悟徹送木瓜椒油

舊日酸寒風味在。木瓜投我亦芳馨。老僧不受瓊瑤報。
寫就楞嚴一卷經。

不向人前亂鼓唇。五臺岩椒味逼川。秦就中識得興戎。戒到口思為閉口人。

弔雲洱楊子陸先生廬墓

孝子不忘親。生死同一狀。生因膝相依。死亦魄相傍。結茆栖形神。抔土容揖讓。早暮陳酒漿。寒暑問無恙。呼兒鬼在茲。指麾惟所向。風雷撼山谷。兒泣轉平蕩。野鬼亂蒿原。鬼在誰敢放。形同墓木拱。神隨風雨莖。生死聚于斯。疲極神反旺。洱海楊孝子。與人留榜樣。

感事

立定脚跟距上頭。分明義路豈他求。不甘失足成千古。笑彼終南捷徑由。

竟日

竟日無聊只作詩。偶然人見便予嗤。未能免俗常如此。品格高低我自知。

遲眠

瘦骨不堪支。老凍錦衾。便是太平窩。幾回欲起披衣坐。其奈多情繫戀何。

除夕

碌碌終年事。臘舊椒盤新。雖然有此夜。仍是未閒人。

上定西嶺

五律

侵晨登峻嶺。四面曉嵐生。馬破雲圍出。人衝樹杪行。霧中看豹隱。天半聽雞鳴。如此清涼界。惟應鶴送迎。

宿定西嶺僧舍

西。山。西。上。定。西。嶺。有。樓。三。間。日。露。井。兩。峯。奔。下。石。門。開。
一。水。攬。住。青。山。影。迴。望。迷。城。烟。樹。迷。倒。拖。黃。金。光。炯。炯。
四。圍。老。松。蟠。龍。鱗。千。章。萬。章。失。山。頂。我。來。此。地。汗。如。淋。
有。僧。惠。澤。勤。接。引。坐。我。茲。樓。爽。氣。生。只。今。始。覺。秋。風。迥。
一。枕。濤。聲。謬。謬。來。不。夢。浮。雲。夢。冥。滓。曉。起。四。山。堆。白。雲。
馬。蹄。踏。雲。青。衫。冷。

下定西嶺遇雨

驟。雨。如。盆。瀉。青。山。斷。復。連。人。隨。流。水。下。馬。立。陷。泥。前。舍。
遠。難。停。足。雲。低。未。辨。天。早。知。末。路。險。快。着。祖。生。鞭。

趙州道中

淫雨初開霽。諸峯一抹青。
山隨人作主。雲擁樹如屏。
暑氣雖稍戢。炎風尚未停。
一聲雲裡磬。天半讀黃庭。



古華仕隱皆清詩

近率易自謂魚山不

處也如在筆解自振

新言名理不同凡響

於女佳士必傳其氣

晉寧縣人民政府移
交方氏學山樓藏書





古年紅池皆清詩

近率易自設金山不

復也字然自振

影影不同人響

於文必結其氣

















